

御選元詩卷第七十九目錄

六言詩

白珽二首

陳孚一首

張伯淳一首

張栻一首

袁楠七首

趙孟頫三首

鄧文原二首

嚶嚶一首

姚式一首

御選元詩

卷三十九目錄

馬祖常三首

蒲道源一首

胡炳文一首

錢以道一首

虞集一首

揭傒斯三首

吳師道二首

宋本一首

薩都刺四首

柯九思一首

李裕一首



杜本二首

劉詵五首

宋无二首

陸柱二首

趙肅一首

李孝光二首

朱德潤一首

蔣堂二首

陸行直二首

祝蕃二首

郭翼三首

御選元詩

卷十九

目錄

何儒行三首

陳柏一首

趙次誠一首

張憲三首

錢惟善一首

張昱一首

倪瓚十七首

王逢八首

舒頔一首

葉顥三首

貢性之六首

謝應芳一首

周敏一首

馬臻七首

張雨二首

善任二首

本誠一首

大圭一首

無名氏一首

雜體

明本九言詩一首

劉因十二辰體一首

御選元詩

卷三九
目錄

陳孚藥名體一首

陳高藥名體一首
禽名體一首

毛直方禽言一首

任士林禽言二首

王沂禽言三首

桂瓌禽言四首

郭翼禽言四首

胡天游禽言二首

楊維禎禽言二首

盛或禽言一首

黃玠迴文體一首

謝應芳三五七言體一首

鄭氏允端三五七言體一首

無名氏三五七言體一首

李孝光首尾吟二首

陳樵轆轤進退格三首

曹文晦五雜組一首

大訢俳偕體一首

徐琰山字詩一首

張翥水字詩一首

王思誠疊字詩一首

宋无詩尾聯古勻體二十首

御選元詩

卷十九目錄

鄭采奇字體一首

御選元詩卷第七十九

六言詩

白珽

題鄭子真畫四季詩意二首

紅杏綠楊永晝野服柴門散仙莫道無人知處東風都在吟箋

蓮葉吹香澹澹扁舟撐港斜斜驚散一行白鷺西風捲起梨花

陳孚

平山堂

堂上醉翁仙去蘆花雪滿汀洲二十四橋煙水爲誰流

御選元詩

卷三十九

白珽

陳孚

張伯淳

張栻

下揚州

張伯淳

贈彭萊山

總是江南倦客君平到處生涯老去黃塵沒馬襟期付與鶯花

張栻

題趙子固四薌圖

一紙四花爭秀依稀香霧相和老眼不妨縱賞江南春色何多

袁桷

題湖曲小景

流水無言寂寂落花有意
參參往事空餘華屋倚闌愁
絕江南

送鄧師禹歸龍虎山

小帽飛花一寸輕舟流水三分
落日獨歸洞口隔溪短
笛猶聞

題美人圖

昭君

馬影愁添塞雪花枝羞殺
宮春誰道佳人傾國解從絕
域和親

班姬

望幸眸凝秋水倚愁眉
簇春山已悟篋中紈扇須看鏡
御選元詩

卷十九
袁柳

二

裏朱顏

綠珠

金谷煙迷清曉玉簫春
怯餘寒可恨花鈿委地當時莫
倚危闌

張麗華

結綺塵空樓暗景陽春
斷鐘遲紅葉無言在手同成井
上臙脂

潛昭九日贈龍團次韻

月碾舊栽玉胯雲鑪温浴銀芽
九日殷勤相贈淡羅猶
記金花

趙孟頫

黃清夫秋江釣月圖

塵土染人衣袂煙波著我船窗為問行歌都市何如釣
月秋江

題王子慶所藏大年墨鴈

鴻鴈棲棲遵渚黃蘆索索鳴秋羨殺承平公子筆端萬
里滄洲

題孤山放鶴圖

西湖清且漣漪扁舟時蕩晴暉處處青山獨往翩翩白
鶴迎歸

鄧文原

方方壺松巖蕭寺圖

御選元詩

卷三九

趙孟頫

鄧文原

雙雙

三

雨過鷓鴣啼歇日斜猿兕聲高湖上長煙漠漠山中古
寺迢迢人立東臯清眺帆歸西浦寒潮

文湖州竹

此老墨君三昧雲山發興清奇我在蓬萊書府曾看曉
靄橫披

雙雙

送高中丞南臺

鸚鵡洲邊明月鳳皇臺下清風人物江山兩絕才高不
為時容

姚式

題子昂墨梅圖

夜月參差秀影天風浮動繁香彷彿釵橫鬢亂惱人不減紅妝

馬祖常

六言三首

南塘雨晴草滿西林春早花疎道士燒丹借竈山翁種樹求書

白鳥飛來何許青山閒對誰家日暮一尊濁酒不知風帽欹斜

絕澗花迎暮竹回塘水媚春雲欲賦淮南招隱山中桂樹留人

蒲道源

御選元詩

卷三九

姚式胡炳文

馬祖常

蒲道源

四

漫題

花下提壺勸酒桑間布穀催耕甚欲晴天行樂却因春雨關情

胡炳文

送董深山

并序

深山之號蓋有取於艮止而求深於斯道者也一日訪予明經敢發此意題於諸吟卷之尾

洞口桃花易見源頭活水難尋欲知雲盡不盡須到山深更深

錢以道

題水村圖

簾捲蒼茫野色屋連演迤清流歲晚晚今自適寒惟留
今中洲

虞集

聶空山畫扇

客來山雨鳴礮客去山翁醉眠花外晴雲靄靄竹邊秋
月娟娟

揭傒斯

過何得之先生故居三首

可憐古井門外依舊鐘樓屋西何處高吟痛飲黃華翠

竹都迷

先生有詩云一井當門東寒光照
四鄰又我住東街北鐘樓在屋西

軋軋機聲日暮依依楊柳春柔鄰下中郎小女曾聽唱

御選元詩

卷十九

虞集 揭傒斯

五

我高郵

先生常喜余高郵城詩相見即呼高
郵城來每相對酒酣則朗誦數過

頭上烏紗分贈篋中縞楮相酬不道別時長別誰知愁

是真愁

延祐五年冬十月余南歸以巾材一段見贈予以白楮被報
之別時殊黯然也且手書其三代名字授予若有所屬然也

吳師道

水西道中

鳴鳩林外桑密眠犢沙頭草添春水石橋紅杏夕陽茅
屋青帘

題高彥敬越山圖

潮平風定日落雲白山青雨乾憶得晚秋天氣浙江亭
上凭闌

宋本

山水翁

野屋不知今世山色似含古
春岑寂渾無啼鳥荒寒畧
有行人

薩都刺

舟中題畫卷

兩岬好山如畫丹崖翠壁樓臺愛殺南
閩風景小官何日歸來

次韻與德明小友二首

煙雨短篷水口人家亂石山前送別
莫忘今日相逢知在何年

莫笑風餐水宿暫離馬足車塵兩
岸好山送客一江細

御選元詩

卷七九

宋本 薩都刺 柯九思 李裕

六

雨歸人

題畫

綠樹陰藏野寺白雲影落溪船遮却
青山一半只疑僧舍茶煙

柯九思

題王孤雲界畫山水圖

滿地山河如繡迴巖樓閣凌風幾度
春花秋雨不知秦苑吳宮

李裕

武林雜興

樓閣參差細雨簾籠料峭輕寒人
去空餘燕子春來休

倚闌干

杜本

漁隱圖詩爲程子純賦

山下白雲縹緲水邊紅樹依稀信有桃源深處漁人今亦忘歸

題柯敬仲梅

點點苔枝綴玉疎疎檀蕊凝香還記當年月色簫聲暗度宮牆

劉說

清明和歐陽山立二首

江南二月三月野水一村兩村花落人家寒食燕歸山

御選元詩

卷十九

杜本

劉說

七

館黃昏

細雨海棠成子餘寒江燕初歸立馬橋西沽酒行人未

試春衣

春日偶賦二首

官路落花馬過人家高樹鶯啼故里故人何處夕陽長在樓西

楊柳輕寒水驛棟花小雨官橋回首人間往事孤燈挑盡春宵

和龍麟洲題黃次翁黃鶴樓圖

孫曹百戰何在大江千載狂瀾誰倚樓頭呼鶴秋風落

日危闌

宋元

墨梅寄因上人二首

夢覺霜林墮月眼明野水浮枝橫玉不吹春去斷縑閒
寫相思

寒枝香在天外疎花影流水中梨雲夜深清夢草元筆
底春風

陸柱

題趙榮祿水村圖二首

牛馬百川獨渚烏鳶羣木西村天地四方黃鵠先生秋
雨柴門

忽有滄浪鳴笛飛鴻黃葉雲深相望美人秋水捲簾隱

御選元詩

卷十九

宋元

陸柱

趙肅

李孝光

八

几何心

趙肅

樵林楓葉

樵林夜鳴楓葉僧扉晝掩煙蘿夢裏好山十二不知何
處雲多

李孝光

江邊

江邊孤樹猶碧天際白雲自流七十二灘浩蕩夕陽照
見歸舟

雪晴

雪乾玉飴初香月瘦珠胎猶小開門不見臞仙白鶴橫

江清曉

朱德潤

曉晴

天寒欲晴猶雨曉色將明未明萬里碧雲平野一林落
葉無聲

蔣堂

題溪山環翠樓爲月潭印師賦二首

翠嵐環繞如畫綠樹高低待秋更著綸巾談笑未慙海
岳蒼頭

松暖鶴梳雲髮樓高人倚秋晴一片水光天影月潭分
外分明

御選元詩

卷十九

朱德潤

蔣堂

陸行直

九

陸行直

題所南老子推蓬竹圖

并序

所南先生貞節之士有夷齊之風書畫散落人間
政自不少雖片紙不盈數寸或蘭或竹必有題詠
然其用意深密非高識韻士豈容易窺見哉予自
童稚至壯時得承顏接辭而先生去世幾二十載
今獲觀小軸如在其右展卷懸情慨想甫里陸行
直書於壺中天

橫空飛佩珊珊翰墨散落人間瞻望清風高節管中時
見一斑

孫虔禮千字文

筆墨一時如雨龍蛇千古似飛展卷南窗相對朗然月皎星輝

祝蕃

二畫

斷岸蒼煙喬木小橋野店村春一曲晚風樵唱翛然林下相逢

疊嶂半空懸瀑平林隔岸層臺風雨一川煙浪扁舟何處歸來

郭翼

雜詠三首

一枕北窗周易五絃南風舜琴自是無心富貴從教道

御選元詩

卷十九

陸行直

祝蕃

郭翼

十

迹山林

仙人杏花滿樹處士楊柳當門白髮烏紗碁局綠水青山酒尊

朝汲橘泉丹井暮耕蕙圃芝田肘後長生有訣一笑曾許相傳

何儒行

春日三首

碧桃花開漢苑紫簫聲斷秦樓風暖馬嘶金勒月明人上簾鉤

花落鶯翻紅雨峰迴鷺點青嵐人別春前春後草迷江

北江南

江上潮生潮落山中花謝花開生計綠葦青笠閒情白石蒼苔

陳柏

焦山題塔

樹老雲閒鳥宿洞深月落潮迴此時此興不淺何日何年再來

趙次誠

早梅

江南冬十二月溪上梅三兩花載取小舟香影月明自棹回家

張憲

御選元詩

卷三十九

何儒行

陳柏

趙次誠

十一

湖上

紅杏牆頭粉蝶綠楊窗外黃鸝何處春光最好蹋青人在蘇隄

夜月

夜月小樓簾策東風深院琵琶料理宿醒未了春光又在鄰家

題畫

遠岫層層何處矮房簇簇誰家煙樹夕陽歸鳥清溪古渡橫槎

錢惟善

題畫扇

銀氣蒸成雲白嵐霏散作空青中有幽人小隱松風澗
水泠泠

張昱

題青山白雲圖

一箇茅廬何處小橋古木溪灣但見山青雲白不知天
上人間

倪瓚

題良常草堂圖

結屋正臨流水開門巧對長松爲待神芝三秀移居華
蓋西峰

題畫

御選元詩

卷三九

錢惟善

張昱

倪瓚

十一

舟泊溪流曲曲鳥啼煙樹重重獸思白鶴遺址好居五
老雲峰

田舍二首

映水五株楊柳當窗一樹櫻桃灑埽石間蘿月吟哦琴
裏松濤

山鳥下窺窗牖春風時過柴門避世何須鄭谷作書已
絕巨源

爲曾高士畫湖山舊隱

厭聽殘春風雨卷簾坐看青山波上鷗浮天遠林間鶴
帶雲還

雲溪佳處

誰覓雲溪佳處渚花汀竹迷藏去鶴原邊倚杖浮鷗波
上鳴榔

題竹圖

黃陵廟前雨過邯鄲谷口風生愛殺山人清致縱橫淡
寫秋聲

題畫

晝畫溪頭喚渡銅官山下尋僧水榭汀橋曲曲風林雲
磴層層

題溪山雪霽圖贈張以中

水影山容黯淡雲林細篠蕭疎誰見重居寺裏雪晴沙
際吟餘

御選元詩

卷十九

倪瓚

十三

題畫八首

雨過黃陵廟下雲生玉女井邊野雉鳴斜日鷓鴣啼
破林煙

月下參差雙玉燈前蕭散孤鴻寄興只消毫楮寫懷不
用絲桐

竹上誰彈清淚如鉛春雨斑斑滿眼湘江波浪望窮白
鳥飛還

高樹長松共晚蒼筠野石同貞珍重王家公子翩翩白
鶴神清

高柳喬柯小閣水光山色衡門未老作閒居賦無錢對
北海尊

孝侯廟前雨過罨畫溪頭日曛舊迹如今夢裏春風愁
亂行雲

贈潘仁仲

瓶內花簪白萼庭中池養金魚馴虎只憑丹竈活人惟
留素書

至正癸卯九月望日畫贈勝伯徵君并題

江渚暮潮初落風林霜葉渾稀倚杖柴門聞寂懷人山
色依微

王逢

題杉溪老人家壁六言四首

十角犁牛前巷一機黃絹比鄰婦事姑嫜婉順兒看賓

御選元詩

卷十九

倪瓚 王逢

十四

客情親

朝夕一盂白飯東西幾緡青鞵邀客烹葵別墅課兒題
竹高齋

紅白花明水寺青蒼樹繞沙村夜多涼月照席日有清
風埽門

挂巾藤蘿石上濯足芙蓉水頭落日不逢過馬東風忽
亂驚鷗

避地梁鴻山四首

舍邊新花夜合井上老樹冬青孟光齊眉舉案倪寬攜
鋤帶經

三百銅錢斗酒一雙蠟屐千山莫問雲浮富貴且消天

與清閒

北里戎衣袴褶南鄰墨勅斜封多我幽居水竹有誰高
卧雲松

風塵涉五六載忠孝錄數十人已判詩移白日更須藥
駐青春

舒頤

題清湘秋景

日暮九疑轟轟清湘萬竹修修不管掀天風浪孤鸞引
鳳船頭

葉顥

沙溪清隱

御選元詩

卷上九

王逢

舒頤

葉顥

貢性之

十五

繞屋一灣水綠迎軒數朶峰青沙路鷗盟新定雲松鶴
夢初醒

九日寄興

黃菊香殘夜雨烏紗醉落秋風回首十年舊事亂雲流
水西東

月夜梅邊即事

香裏寒雲滿溪月明津渡人迷夢入江南舊路夕陽流
水橋西

貢性之

題春山煙雨圖

柳帶輕煙澹澹花含宿雨深深魚樂新添曉漲烏啼越

覺春陰

題長夏雲林圖

雨過溪流交響樹涼暑氣潛消不是謝公別墅定應杜
老西郊

題畫扇四首

三間兩間茅屋五里十里松聲如此山中景色何時共
我同行

萬事從教計拙千金難買身閒船尾都教載酒船頭飽
看青山

鴨嘴灘連溪尾羊腸路轉山腰雲氣晴晴雨雨泉聲暮

暮朝朝

御選元詩

卷二十九

貢性之

謝應芳

周敏

十六

綠樹灣頭釣艇青山凹裏人家前度劉郎去也莫教流
出桃花

謝應芳

書路城樵舍壁

灤東灤西農晦巷南巷北人家白露秋香雞黍綠雲春
靄桑麻

周敏

友竹軒詩

我愛此君晚節乃知我友歲寒相與了無俗氣喜聞日
報平安

馬臻

雜詠四首

堤晚遊人爭渡花密流鶯亂鳴近水樓臺柳色轉山樓
觀鐘聲

煙外幽人獨立落日正照平臺野鷺聯翩飛去山雲斷
續歸來

楚尾吳頭舊夢水邊山際閒情一夜杏園風急等閒吹
老鶯聲

野渡綠波芳草落日青山杜鵑多少臨歧別恨送君歸
去閒眠

春日偶成三首

半窗落月人老一夜東風燕來迢遞春歸幾度依稀夢

御選元詩

卷十九

馬臻

張雨

七

憶三臺

兩袖水風春冷一抹山煙晚晴小檻倒披花影歸船遠
送歌聲

燕拂花陰繡轂人指簫聲畫樓楊柳六橋舊夢夕陽一
段新愁

張雨

煙梅睡雀墨戲

珍偶偏憐瓊樹寒香漠漠紛紛誰見羅浮月黑一枝同
夢梨雲

絕句

二山環合一水中有老木參天不著幽人草閣誰收無

限雲煙

善住

冬夕

繁草霜嚴綠減疏星雲盡光寒城頭一聲畫角月落烏啼夜闌

福嚴即事

村邊幾株紅樹屋外四面青山終日無人能到孤雲薄暮飛還

本誠

書齋即事偶成

徑遠松篁翳鬱日長庭院清虛大貴莫過學道至樂無御選元詩

卷十九

張雨

善住

本誠

大圭

六

如讀書

大圭

無題

樹影半窗明月蟲聲一夜清秋我意浩然千古人間總是閑愁

無名氏

題米家山圖

雨過石生五色雲來山餘數層時有炊煙出樹中多隱士高僧

雜體

明本

九字梅花詠

昨夜西風吹折千林梢渡口小艇滾入沙灘坳野橋古
梅獨卧寒屋角疎影橫斜暗上書窗敲半枯半活幾箇
壓蓓蕾欲開未開數點含香苞縱使畫工奇妙也縮手
我愛清香故把新詩嘲

劉因

續十二辰詩

飢鳶嚇鼠驚不起牛背高眠有如此江山虎踞千里來
才辨荊州兔穴爾魚龍入海浩無涯幻境等是杯中蛇
馬耳秋風去無跡羊腸蜀道早還家何必高門沐猴舞
豚穽雞棲皆樂土柴門狗吠報鄰翁約買神猪謝春雨
御選元詩

卷三九

明本

劉因

陳孚

陳高

九

陳孚

交趾橋市驛戲作藥名詩

長空青茫茫大澤瀉月色使君子何來山椒遠于役虎
狼毒草叢淚如鉛水滴更苦參與商骨肉桂海隔問天
何當歸天南星漢白

陳高

藥名詩

丈夫懷遠志兒女苦參商過海防風浪何當歸故鄉

陳高

禽名詩

遊子歸心切提壺看落紅告天天不語愁殺白頭翁

毛直方

泥滑滑

泥滑滑日已西泥深屢滑流征衣征衣浣盡不肯歸分
明數聲行不得請君更聽鷓鴣啼

任士林

四禽言

錄二首

行不得哥哥未曙登程日已蹉腹飢足趺可奈何前山
兩暗豺虎多

脫袴脫袴破碎一鍼無補處誰持篋中新換我身上故
但得深閨有孟光年年袴破亦不惡

王沂

御選元詩

卷十九

毛直方

任士林

王沂

二十

禽言

婆餅焦徒爾鳴黃雲茫茫與天平去年麥熟苦梅雨東
疇西隴飛蛾生今年麥熟不得割去學精衛填滄溟婆
餅焦無樂聲

蠶筐八隻脚新繭已上箔新繭上箔且莫喜門前催租
吏如鬼小姑繰絲手不停夜畏碩鼠朝畏蠅織成疋素
不中式姑嫂相看機杼泣

提胡盧聲相呼去年賣犢出賦租江村酒賤無錢沽無
錢沽酒莫作惡不到縣門身即樂

桂瓌

八禽言

錄四首

脫布袴脫布袴人情好新皆厭故古來聞有韓昭侯此
日那逢廉叔度千需萬索杼軸空今年新衣在何處脫
布袴風雨寒脫時容易換時難

三箇半布積累寸盈尺度下機先製老姑衣忍使天寒
披故絮篋中止有半疋存征人書來索襦袴布已盡秋
又風妾身依然單過冬

泥滑滑泥滑滑暮雨蕭蕭暝雲結苦竹岡頭虎跡新黃
蒿城外人蹤絕僕夫股栗步莫前瘦馬凌兢愁僕蹶泥
滑滑何時乾出門咫尺行路難

行不得也哥哥千呼萬喚奈爾何黃陵花落暗春雨湘
江水深生素波奮衣出門天地窄仗劍欲往旌旗多行
御選元詩

卷十九

桂壩

郭翼

三

不得早歸來只今誰埽黃金臺

郭翼

五禽言

錄四首

布穀布穀催布穀去年官軍糧不足里正輸糧車轆轤
六月長枷在牢獄今年穀種未入泥布穀早催須早啼
蘆戛戛蘆戛戛沙場盡樵伐樵人指秃山無枝枿嗟嗟
鳳皇無處棲鷓鴣何處巢一枝

鍛磨鍛磨麥熟農夫餓家家無麥還租課年年溼麥五
斗租一石曬乾量不過磨子不鍛竈不燒門前誰呼婆
餅焦

秦吉了秦吉了人言汝是能言鳥嘲啁觜舌長賣弄言

語巧野人張羅在林杪富貴一落樊中羈不如兩翅盤
天嬉

胡天游

和禽言

婆餅焦

婆餅焦新婦腰鎌孫荷樵原頭麥熟空滿壟丈夫盡赴
征西徭嗚呼土鐺敲火淚如雨婆餅不焦心自苦

歸去樂

歸去樂蜀道崔嵬天一角青泥百折費躋攀瀕翻空
波浪惡嗚呼朝避長蛇夕猛虎干戈滿眼歸何所

楊維禎

御選元詩

卷十九

郭翼

胡天游

楊維禎

三

五禽言

并序

錄二首

禽言無出梅都官之作予猶惜其句律佳而無風
勸之意故予製五禽言言若拙而意頗關風勸焉
喚起喚起東方明門前已如市上林有烏殺司晨苦殺
蕭娘睡方美

提胡盧提胡盧沽酒何處沽烏程與若下美酒高無價
小姑典金釵勸郎醉即罷君不見城中官長壺盧提十
日九日醉如泥

盛或

禽言

泥滑滑江南路雨雨風風怕春暮郎行三月未還家妾

心還似郎心苦泥滑滑妾難行閒階獨步青苔生階前
雨歇櫻桃發白日須明照羅襪只今世路滑如泥郎行
善保千金軀

黃玠

隱興迴文詩

萋萋草帶書窗碧瘦竹輕藤引客看棲鶴伴雲歸岫晚
斷雲拖雨過江寒畦分暗水池亭小石戴開花野館殘
西掩松林通徑窈共君邀月對琴彈

謝應芳

題村田樂圖用三五七言體

老人村老瓦盆嘗作雞豚社不識州縣門阿翁醉倒阿
御選元詩

卷三

元盛或

黃玠

謝應芳

鄭氏允端

無名氏

三五

鄭氏允端

秋夜三五七言

風乍起月初陰樹頭梧葉響階下草蟲吟何處高樓吹
短笛誰家急杵擣清砧

無名氏

三五七言次李謫仙韻題宋復古秋山對月圖
宋才清迪德明思超雲物外筆落鬼神驚秋山舊跡令
人賞對月風流萬古情

李孝光

送輔賢出山作首尾吟二首

儒官不畏簡書催拄杖休驚石上苔行到水窮雲起處
路從四十九盤來樹底看雲首獨回客裏不知身是客
向人猶愛話簫臺

陳樵

輓轡進退格詩三首

空翠堂

蕉葉茂葵照檻明山光入室雨初晴平分天上無邊色
送盡江南未了青息石長年依砌活茯苓無種入階生
亭西昨日林霏重採藥歸來露滿庭

石樓草廬

御選元詩

卷十九

李孝光

陳樵

曹文晦

十四

一室寬於一畝宮隔林竹樹影重重青春著地十分綠
白日經天兩度紅小草自憐無遠志茯苓終不近孤松
未須西憶金華洞只在周回百里中

蛟蜨圖

禁籞名園信所之深紅膩紫共春暉人疑落葉有生色
我道飛花上故枝掌上豔姬垂裏舞屋頭故吏竊香歸
花中只許秦宮活未必莊生入夢思

曹文晦

五雜組

五雜組雙玉瓶舟已具潮已平五雜組雙玉筯水自流
天涯一點紅離思千萬重

大斫

曹伯珪築室曰桂齋戲作俳偕體

阿仙騎蟾白銀闕醉折秋華餐玉屑霓裳曲散隨清塵
涼夜素娥悲白髮玉輪碾香空翠寒流光萬里君合歡
大星漸低海色白高齋翠影空團團萬卷芳心期厚地
憔悴秋香忍相棄百年若使富貴羈淮南小山歸不歸

徐琰

楊玉翁山居山字詩

天爲詩翁惟愛山箇人生在萬山間朝凭山坐舒青眼
暮對山眠擁翠鬟山館讀書風俗美山田足食子孫閒
龜腸日飲山中醪何必仙山覓九還

御選元詩

卷十九

大斫

徐琰

張翥

王思誠

五

張翥

清河水漲蒼復中吉監縣水字詩

潏泱清河漲湍流滋浸淫滄溟渾灌注濁浪浩浮沈洲
渚津涯濶泥沙沮洳深沿淮澤鴻滿漂蕩渡江潯

王思誠

過夏縣有感作疊字詩

翼翼夏禹邑訐訐郇伯疆雍雍司馬里穆穆楊公鄉嗟
嗟聖賢遠悠悠風化長岌岌瑤臺頂奕奕鳴條岡蕭蕭
祠廟古寂寂城郭荒靡靡我行邁摇摇心憂傷

宋无

鯨背吟用詩尾聯古句體

并序

僕粗涉詩書薄遊山水偶託迹於胄科未忘情於
筆硯緣木求魚乘桴浮海觀千艘之漕餉勢若龍
驤受半載之奔波名如蝸角碧漢迢遙一似浮槎
於天上銀濤洶湧幾番戰慄於船中今將所歷海
洋山島與夫風物所聞舟航所見各成詩一首詩
尾聯以古句蓋滑稽也非敢稱於格律然而風檣
之下柁樓之上舉酒酌月亦可與梢人黃帽郎同
發一笑云爾

梢水

拔釘張篷豈暫停為貪薄利故輕生幾宵風雨船頭坐
不脫蓑衣卧月明

御選元詩

卷十九

宋元

三

鶯遊山

崖倚波濤頂接空黃鶯遊處樹成叢莫言山上人希住
多少樓臺煙雨中

日出

金烏搖上浪如堆萬象分明海色開遙望扶桑岸頭近
小舟撐出柳陰來

湊沙

萬斛龍驤一葉輕逆風寸步不能行如今閣在沙灘上
野渡無人舟自橫

海鷗

羣飛獨宿水中央逐浪隨波羽半傷莫去西湖花裏睡

芰荷翻雨打鴛鴦

沙門島

積沙成島浸蒼空古祀龍妃石崦東亦有遊人記曾到
去年今日此門中

萊州洋

萊州洋內浪頻高砭鐵千尋繫不牢傳與海神休恣意
二三升水作波濤

水程

九日灘頭不可移九灘一日尚嫌遲何須頻問程多少
路上行人口是碑

尋鯨

御選元詩

卷三九 宋元

三

萬艦同鯨在海心一時相離不知音夜來欲問平安信
明月蘆花何處尋

拋砭

千斤鐵砭繫船頭萬丈灘中得挽留想見夜深拋擲處
驚魚錯認月沈鈎

出火

前船去速後鯨忙暗裏尋鯨認火光何處笙歌歸棹晚
高燒銀燭照紅妝

落篷

潮信篷留風力慳落篷少歇浪中間殷勤爲向梢人道
又得浮生半日閒

走風

夜颿顛狂浪捲天深淵多少走風船一宵行盡波濤險
只在蘆花淺水邊

櫓歌

浪靜船遲共一艚櫓聲齊起響連空要將檀板輕輕和
又被風吹別調中

大浪

吞天高浪雪成堆搖蕩驚心眼怕開深謝波神費工力
幾回風雨送將來

探淺

探水行船逐步尋忽逢沙淺便驚心蓬萊近處更難徧

御選元詩

卷十九 宋元

三

揚子江頭浪最深

討水

海波鹹苦帶流沙島上清泉味最佳莫笑行人不風韻
一瓶春水自煎茶

討柴

海樹年深成大材一時斧伐作薪來山人指點長松說
盡是劉郎去後栽

直沽

直沽風月可消愁標格燕山第一州細問花名何處出
揚州十里小紅樓

自題

乘興風波萬里遊清如王子泛扁舟
早知鯨背推敲險
悔不來時只跨牛

鄭采

題復古秋山對月圖用奇字體

天癸癸兮月朧朧
山岫岫兮水粼粼
木森森兮竹簌簌
勢巖巖兮墨鱗鱗

御選元詩卷第七十九

御選元詩

卷七十九

宋元

鄭采

三九

御選元詩卷第八十目錄

雜體

方回聯句二首

白珽聯句二首

趙孟頫聯句一首

袁桷聯句一首

袁裒聯句二首

馬祖常聯句二首

宋本聯句一首

丁復聯句一首

貢師泰聯句一首

御選元詩

卷八

目錄

曹知白聯句一首

鄭基聯句一首

陳基聯句一首

楊維禎聯句一首

戴良聯句一首

顧瑛聯句五首

貢性之聯句一首

李道坦聯句一首

張雨聯句一首

劉因集陶一首集杜一首

陳孚集句十首

于石集句二首

黃潛集陶二首

吳師道集句一首

陳泰集杜一首

韓性集杜一首

郭豫亨集句十二首

金岷集陶一首

馬臻集句二首

張雨集太白語一首集王摩詰書語二首

賈雲華集句六首

鄭氏允端集句三首

御選元詩

卷十

目錄

何理問集古一首

無名氏集古一首

御選元詩卷第八十

雜體

方回

與孟能靜飲聯句

三月一日春如酒紅是桃花綠楊柳人生不醉欲如何
不如意常十八九孟暫茲袖公補天手誰能箝我談天
口挹斗酌海兩相逢天風吹入無何有方

三月三日一觴酒同上危樓望晴柳豈可不飲負此春
向來風雨十朝九方何必水邊看麗人何必水晶行素
鱗曲阜橋邊同一醉杭州城裏兩閑身孟

白珽

御選元詩

卷八

方回

白珽

趙孟頫

玉清宮與趙達夫鮮于樞聯句

湖田漠漠水禽飛達堤柳斜斜帶夕暉樞二月江南好

天氣珽初陽臺上愜春衣

中子峰頭樣釣船達初陽臺上坐鳴絃出雲高樹明殘

日珽過雨蒼苔泣細泉絕俗誰能繼遐躅樞凌空我欲

學飛仙達還家正恐鄉人問珽化鶴重來知幾年樞

趙孟頫

醉後同張剛父清風樓聯句

碧樹未黃風露秋晚雲蕭瑟亂山愁趙千家疎雨催砧

杵兩岸殘陽入釣舟張畫角吹殘人罷市清尊飲散客

登樓趙古今回首俱陳迹唯有溪聲日夜流張

袁桷

送曾編修同王繼學聯句

奇鶴慕南雲俊鶻欣北雪行藏龜左顧去住坂九折纂
書墨兵從擬制銅史挈佩委松籟回冠峨星光徹甌花
窺日輪井藻旋風鐵歸思紅葉高家憂紫荊裂晨裝發
五兩夕祖謝駟馱沙明石痕瘦川遠梳影列吳歌導鷗
舞楚製慘鶉結汀葭青女臨岸橘黃人揭組練危瀑懸
蕭磬古灘咽詩箋江神幻目送山君別炯炯鴈集洲挺
挺鸛鳴垵賈颿魚貫直僧屐鷺飛滅前坡指迎帽舊墓
拜表碣明知紹世譜詎肯逐宦轍兒孤文襁昏女乳粉
鈿涅深思振鴿原後肩超鳳穴過都塊非歷去魯浙豈
御選元詩

卷八

袁桷

二

接歌驪念睽違瞻蟾數盈缺

袁衷

東湖聯句

舊學蕪三史新居隘一廛煎熬魚煦轍奔竄鳥驚弦擬
整登山屐長伯須乘破浪船出關塵已遠平德過埭意爭先
歸船攢梳聚長伯浮梁斷鎖懸潮渾江葑沒平德滕破岸藤
纏戍柵依樟密長伯官隄砌石平機閒蠶喚織平德砧響鴈
傳箋乍靜喧煩耳長伯猶欣展轉眠鶻橋華屋廢平德鷺滙
曲河連稠實閑農具長伯嵯巖絕竈煙急裝紅蔽膝平德瓣
髮黑垂肩估客編文貝長伯村家緯木棉生涯疲剝割平德
世路窘迤邐龕室休行客長伯郵亭歎逝川講鷹圍獵罷

平德 聯騎縱遊旋路轉分支港長伯 川明幻別天鄮城花已

暗平德 甬水恨空傳數堠搜唐刻長伯 題詩紀宋編會堂夫

子像平德 汲井隱居泉海眼藏龍窟長伯 山心射鹿田水鳴

知權急平德 岸走訝途遷隱見岡巒近長伯 低昂橘袖鮮青

山猶五里平德 綠樹已千年歸犢如雲擁長伯 閑花似火然

苧裳遊女淨平德 蘆管野伶妍繫纜披團壑長伯 循溪舍竹

復徑香幽菊傲平德 土薄假山偏鐙火精廬古長伯 衣冠故

物全登門論子姓平德 對坐敘姻聯金魄篩窗影長伯 丹砂

養井淵螢飛光熠熠平德 鶴唳翼涓涓斗室橫烏几長伯 方

牀藉素壇魂清時入夢平德 意得竟忘筌過墓成高戶長伯

道湖復扣舷滄洲迷秀麥平德 真隱拱朱椽碧洞諸天杳

御選元詩 卷八 袁泉 三

長伯 蒼珉帝畫鐫梯危頻縮武平德 像寂且擎拳紫府商霖

歌長伯 丹書漢澤宣銅鋪苔暗蝕平德 經皮燕新穿倦鳥辭

枯柳長伯 游龜戴旱蓮古奩開激灑平德 斜縠縐漪連淤塞

芟排劍長伯 洲乾蓼糝鈿官徵都尉粟平德 漁納水衡錢王

絕山靈泣長伯 祠荒野老憐紙旗鄰社開平德 草亅曲河填

此去真聊爾長伯 斯行信偶然柏幽藏颺颺平德 潭黑袞蛇

蜓雅興吻吻鹿長伯 勞生跼跼躑躑芳真啗蔗平德 寫絕擬

和鉛轍跡蕪菁翳長伯 麻綦臬耳緣貞娥鬱龍虎平德 胷相

紹貂蟬宰木分神隧長伯 思亭列石筵風霜翁仲老平德 香

火釋迦專楚些招歸魄長伯 王官慨昔賢拜峰誰控勒平德

篆水自書元屈曲東西路長伯 縱橫南北阡繁華眸轉電

得失口垂涎絮酒悲宗老長伯囊經想地仙房温連梵

嘔平德市近接腥羶破露生衣溼長伯登坡弱足胼卧牛遺

扁暗平德眠鹿繪容虔金刹從茲訪長伯塵纓合少蠲伐山

靈運躁平德衝雪子猷顛檜暖蜂偷蜜長伯蘆寒烏啄綿蟹

稀螯數百平德樵夥斧論千淡日收人影長伯空嵐漲土埏

蒲葵遮望眼平德繭紙論吟篇除道家僮嬾長伯偷程地主

僂蟻封徒曲折平德駒隙漫拘攣碎石行行直長伯修篁箇

箇圓深叢驚雉翠平德夾徑聳楠梗濯錦芙蓉豔長伯飄香

桂子駢雕楹回複道平德斜閣布陶甑刻畫功難盡長伯翬

飛勢欲翩奉常陳劔履平德尚服錫紘綆憶織鮫人網長伯

帷凝罽國旃妖妹汙粉頰平德偶聳高顛驅石當時力

御選元詩

卷八十 表哀

四

臨淵昔日權只今留舊業平德何處覓幽禪燕頤風雲

會長伯龜趺日月躔蛛窠緣袞服平德鼠跡上朱籩累僕供

朝沃長伯因僧進午饘佳城蹲五鳳平德素業廢三鱣勝已

窮蘭若長伯名猶慕倜佻臺空霞珮冷平德殿寂羽幢蒿觀

主何年住長伯真官永世鍵畫梁誰復葺平德美蔭久頻股

木已非真李長伯僧宜賤壽籤悲來雲羃羃平德恨極水潺

潺重嶺藏椒屋長伯斜暉指蕙榜暫歸心未穩平德欲去眼

空眩憶昔窮誅闢長伯如今猛棄捐慈山名轉赫平德困塙

恥誰湔積翠林霏悄長伯流波海月娟遠鐘催宿鳥平德橫

笛挂烏犍拄笏風騷夔長伯攜壺主僕牽情懷同黍醴平德

臭味比香荃圓澤休論舊長伯華胥復記前乳彪號澗側

平德哀狄嘯雲巔倬盤餐盛長伯通家笑語聞鷓鴣歸槩

孰平德舩逆風沿濟勝應難促長伯臨流且賦遄鳴夷歌

逝矣平德漁父卜終焉紫槿遮籬角長伯丹楓壓廟堦鍊形

金骨化平德團礎土砂堅破屋啼山鬼長伯荒碑立老鷓歲

時羞野賽平德水旱禱靈籩西帝澄金宇長伯東湖鑄玉璿

涼颼舟泛泛平德晴日草芊芊射鴨縈長弋長伯又魚擊短

鋌酒壚橫矮甕平德屠几斫肥牲街市僧袍麗長伯招虛販

鼓齏登臨難婉戀平德想像費平銓更欲南窺海長伯誰能

北跨燕同心雙繭緒平德狗俗走珠蟻朗鑒詞聯寫長伯元

談茗更煎翺翔誠放浪平德匍匐類狂孱已乏凌雲句長伯

時思縮項編還家如夢寐平德共點曉霞邊長伯

御選元詩卷十袁泉

遠遊聯句壬寅冬與伯長同留
姑蘇時伯長將赴都

五

海鵬跨南雲一去挾浩蕩宛駒踏北雪絕足追罔象宵

征車載脂長伯明發燈在幌行邁念悄悄離愁懷養養違

吳始接浙平德過越類指掌蛛網結遐思羯鼓促新響觴

至不復辭長伯駕逸誰能仿明堂企棟梁武庫輸篠蕩氣

合芝蘭芬平德學愧蓬麻長大施朱絃清小薦金莖沆雲

間鶴孤唳長伯天外鴻橫上曉舲斲層氷午店憩平壤追

攀瞰煙濤平德涉歷走塵鞅長淮橋螭薄霧裘驕駛風

臺牛一鳴長伯日觀雞三唱樽桑沃如蓋宿草亂若緇青

帝客沽酒平德素鬣漁收網心觀洙泗流眼豁恒岱爽追

程騎侵星長伯勸耕農植杖俗厚喜豐登氣俠存慨慷伊

河既東流平德維斗復北仰誰云風土殊始覺宇宙廣骨

聳終超騰神清何惝怳鈞天夢非真長伯廣寒步空想銖

朱入閭闔芥粒視北垓千官紫府榮九奏彤庭昶摛文

翦金炬平德展采簇天仗清都踰咫尺弱水漫方丈絳旂

雲霧開寶扇日月晃仁聲被八表長伯德意蘇羣枉泥檢

極封崇芬苾嚴肝蠻瑞氣藹重重泰階瞻兩兩駝峰出

天厨平德裹蹠錫中帑鳴珂接俊彥正笏嫉偏黨德人笑

采芝逋客棄拾橡茅拔要有方長伯矢來本無嚮湘纍但

瑰詞越相僅金像遭讒氣徒憤得計身何往豈如及承

平相與窮昭朗君行步飄飄我滯心悒快輕霜著衣帽

平德微霰點草莽離歌起蒹葭古製出盆盎先登匪十獲

御選元詩卷一表哀 馬祖常六

後至激孤獎城南燈火深長伯塞北音書往東風漸披拂

臘水初滉瀆詩成愈加險酒盡未為彊雙眸秋水炯平德

累語春波盪經行度崎危交友希侷羈遊棄楚荒遠

客憐齊愴光陰尺璧重長伯事業千金賞行還鴈塢題復

睹鴻都榜時來戒步窘事至勿技癢脂韋本凡近平德鐵

石乃忠讜詞林納疵美書田課荒穰列仙會儒癯羣仕

趨吏駟陸生強尹憂陶令終骯髒貞心百壬辟正色上

帝享徒為捧心施莫學畫眉敞功名要無心造物端有

相行行遂初志作事記疇曩長伯

馬祖常

鸚鵡聯句同王繼學賦

雕籠居啄桃衫服儀采綠南荒孕靈質西顥發麗曲頸
綬紅縈絲喙棘賴屈玉蓄慧婉含章褊彩粲成縛能言
貫珠舌善舞凌雲躅金眸肖韞隼珍畜異巢鵠層塏寶
舍利深杯注醅醪流丹曙林度隋翠春洲浴石鏡影毯
繇銅梁步陸續題賦吾豈能入貢爾應錄

天慶寺納涼聯句

槐屋夏陰繁石池暑氣清高堂瞰福田邃宇依王城午
磬梵唄集夜廊酥燈明龕經鬱金字壁礎承丹楹寂寂
鴿棲罌宛宛燕穿榮露葵炫晝豔霞藥敷陽英境闌便
靜室心古樂高情逍遙祇園賞迤邐廬社盟山枕藉雲
潤水簟凝水輕飯盃給香積袈裟褫華纓共忻朋簪合
御選元詩

卷八十

馬祖常

宋本

七

宋本

南城校文聯句

并序

翰林直學士馬祖常左司都事宋本太常博士謝
端丙寅大都鄉試貢院作

天街麗奎文王都會髦弁奉璋來我我祖佩玉坐宴宴

揖庭鴈鷺立干祿虎豹變本解衣三褫帶束卷一如縛

蜂房磬折入本鈴素宮懸奠瀋墨翻元江祖炬蠟燒

赤電端冥思塔移精本幽探寂凝眇刻楮非三年祖穿

楊真一箭微吟忽首肯端急寫掇意見字誤率一注本

藁屬各後先廟器陳古制常祖舶香然甲煎潘陸蕪靜分

端枚馬遲速見駝疥落毳毛本牛洩起回旋趨踰進程

書常祖緘封遞騰繕號分梵夾字端畫裂蒼史篆校讀乃

上副本考第或當薦揀金晝披沙常祖角麟宵設饌頰感

咨碌碌端眼鬼矜涎涎去取決一目本利鈍盡三戰仙

籍銀榜懸常祖牙門鵠袍袷數盈輻共轂端餘棄繻過傳

得雋九族賀本敗績十朋唁工歌勞府主常祖八授集曹

掾淳母太官具端臑肩庖丁剗瓶疊雜酒湏本供張爛

彩茜羣譁劇賓與眾樂釀飲餞里嫗嗔兒癡常祖室婦詈

夫懦憶昨被請初本自報官居賤鳴騶紛碎易端曲巷

隘迴澶飛蓋及泮水本重鑰限別院邏卒游鐸振常祖周

御選元詩宋本卷八十丁復八

垣園棘柎攝事四列署端防嫌兩隔面御史官方峻本

主司目敢眩持衡亦榮名常祖束溼奈罔胃浹旬雖獨苦

端得士期眾羨博士曲臺秀翰林金閨彥敘賦極翮縷

修詞妙貫穿而我典簿領偶爾共筆硯補綴褐倒繡瑣

碎韞拆線細書刻他山奇迹壯赤縣本

丁復

同永嘉李季和望鍾山聯句

鍾山日在望匏繫未成往我本忘世人孝誰能久塵鞅

窮援苟擇木復冥鴻不離網納葦升斗縻孝迺此尺尋

枉川江互迢遞復天地一莽窳霸氣遂終陳孝山名猶

姓蔣策羸結幽躋復拔茹傾勝賞踳林萬蚪伏孝獐石

羣獸仰雨晴虹蜺裂復雲熱鸛鶴響靈骨瘞浮屠光孝

踞方丈陟閣鷹巢危復闕戶蜂房敞禪林舊稱一光孝

梵刹新闡兩苾芻化城喻復獬廡嚴駕上一人光孝軒小月

七佛築峻壤後貌睥玉除復科斗胃銀牓庸超謝羶

龍盤光孝何如遊鴈宕窗明誦楞嚴復林昏過颺颺終然

千仞顛光孝極彼九州廣圓龕坐覓心復方具跪合掌攬

秀目顛顛光孝討憂心養養沈綿阻客遊復爽塏令人獎

境虛雲壓闌光孝江遠浪浮槩揮清宜塵尾復翳靜便鶴

瞥域分三國鼎光孝淮湊百川輞喜彈青綺冠復倦曳綠

玉杖朝晴竟崎嶇光孝夜夢猶髣髴髮祝酒遣詩魔復搜句

御選元詩

卷十丁復貢師泰

九

搔技癢深推衆壑宗光孝雄據諸峰長碧眼覽益遠復白

髯聯苦強地籟息箕籟光孝天孫遺女紡金聲調危鐸復

石華繡甲礫騎驢約茲後光孝驚援記疇曩資罄恐支離

腹果歸莽蒼間休幼安席光孝敏奪雲門棒竹露曉衾

溼復松颺秋髮爽玉樹異風標光孝珠林列星朗躡屐去

後齒復早炊囊宿澆弔古重追尋光孝披荒增慨慷復

貢師泰

剪燈聯句并序

元夕同吳子彥劉子清侯敬文會飲水陽陳善甫

家用剪燈聯句云

夜暖拈香繭春寒落翦刀勞心連鬱結貢綺思出長綠

點綴輕蟬翼吳 衰黏細鳳毛 風花凝瑣碎貢 雲葉護周

遭影爍金垂燼侯 光融玉作膏 舞裯圍落絮劉 歌扇逐

飛桃帶轉銀幡小貢 輪迴寶蓋高 蜘蛛圍露網吳 顧兔

隋秋毫鶯擲翻紅雪侯 魚跳起碧濤 春陽噓蛺蝶劉 秋

冷蛻切螭翠薄荷分鈿 絲柔柳散條 青童來絳節 玉女

翳纖翻碎訝珠胎 迸尖愁燕尾 翱微茫 縈錯落 斜隙漏

葡萄飴銜空燒蠟 棚山謾結鰲 浮塵籠漠漠 流水眩滔

滔纂綺難為密 裁綃祇自勞 嬋娟妬清夜 蟠螭落晴臯

製異宮人綬 榮懷學士綯 未曾分寶炬 先許照欄袍 劇

賞尊頻倒窮 搜筆屢操盍 簪嘶騷 裏奮袖舞豪 曹酒促

華筵 散詩慙白戰 塵時平無夜 禁繁弱且歸 弢貢

御選元詩 卷八十一 貢師泰 曹知白 十

曹知白

遂生亭與錢南金陸伯翔陸伯弘邵復孺安雅

世長自聞熏師聯句

深冬鼓大籟 極寒抑新陽曹員素 凍痕固封坼 暝色浮穹蒼

錢南金 針暉射屋壁 嚴飈襲衣裳曹世長 氣候迥昕夕 景物惟水

霜陸伯翔 幽居絕蕭散 喬木相低昂僧自聞 長林展圖畫 疎松奏

笙簧陸伯弘 經時歲 云暮撫事心 亦傷節復孺 朋來溫重席 衆喜

累千觴曹安雅 窗梅弄疎影 盤蠟搖寒光伯翔 竹爐檝 柶火柏

子氤氳 香伯聞 豆籩既無算 肴核復屢將伯弘 野葢雜鶉雉

溪魚間鱗鱠世長 翠罌玉蛆凍 犀筯紅肉僵安雅 偉哉青雲

彥會此白石房南金 盍簪意已洽 得酒氣益強伯弘 世道久

澆薄古意殊荒涼

復孺

真情悅親戚佳會非尋常

貞素

高才

貴瑚璉妙語鏘琳琅

南金

太原興五姓燕山尊十郎

伯翔

阿

翁真矍鑠我輩俱頡頏

世長

宗族互有託禮貌詎可量

安雅

舟車遠無間燈火遙相望

自聞

九世同安居百年有餘慶

復孺

兒孫等鱗次兄弟列鴈行

貞素

賴有北道阮況得共被

姜

安雅

鳩杖祝勿咽兕觥介無疆

伯翔

晨昏足甘旨歲時謹

烝嘗

安雅

臭味忘薰蕕優劣何糝糠

自聞

躬勤樂耕釣志儉

忘膏梁

伯弘

招隱及巖谷濯纓下滄浪

南金

清風起竹徑朝

陽耀梧桐

世長

歌長擊瓦缶興酣據胡牀

貞素

秋花照籬落

春草生池塘

復孺

望重詩禮庭志薄名利場

南金

學術本鄒

魯治化沾虞唐

貞素

百兩重聘國千金戒垂堂

伯翔

雄觀隘

御選元詩

卷十

曹知白

二

四海壯志馳八荒

伯弘

恒鄙貨殖貢豈羨千祿張

安雅

詞源

尚屈宋書法追鍾王

世長

奇才任犖犖雅量須汪汪

自聞

心

胸蘊星斗頭角斬珪璋

伯弘

黃麻珍世賞青檀寶家藏

伯翔

黃

復孺

松柏抱貞秀蘭蕙含芬芳

世長

擬儕谷口鄭弗愧商山黃

復孺

曳裾或混俗衣錦寧忘鄉

南金

王掾元不癡酈生乃佯

復孺

狂婉孌談笑闊輾轉理義長

貞素

會合益膠漆契闊毋

參商

笑論寒稍弛歡樂夜未央

南金

真性本寥廓幻身且

徜徉

自聞

聯詩出雅頌看劒生光芒

世長

焚膏照無寐淪茗

搜枯腸

自聞

人情笑失馬世利嗟亡羊

伯翔

惟茲一餉樂勝

彼終日忙

安雅

所欲論文字初不事酒漿

貞素

耆英固難繼

真率或可方

復孺

坐醉春滿席起舞月在梁

南金

宿氛息廣

漠晴噉炫扶桑

伯私

分袂重慷慨驅車走康莊安雅猗歟紀

宴集斐然成文章

復孺

鄭基

同王原吉逢訪吳庠鄭德明教授元祐俞叔鉉
學正鼎教授留飲齋中是夕雪因相與聯句

中吳泮宮古廣文官舍敞佩衿方休誦

逢

冠帶駢憩鞅

歲晏雲四合

祐

雪暮霰交響飛簾勢簸揭

基

滕六影下

上汙邪畢潔淨

鼎

塊軋周滌蕩若將混端倪

逢

無復別

封壤颯沓竹未俯

祐

萃兀木本強漏壺咽銅龍

基

城柝

卧素蟒冰澌靜膠研

鼎

顥氣深透幌香乾芸散帙

逢

永薺凍盎擁褐肩獨聳

祐

擊鉢心共瘡詩盟得塞郊

基

御選元詩

卷十

曹知白

鄭基

士

茗飲失麤党路迷梁園邈

鼎

地切程門丈殊憐跼驢背

逢頗快衣鶴整洗廖度郢曲

祐

浩漾泛剡漿流風注存

心

基

叔世入紆想戍遙數瘵苦

鼎

野曠爪牙攘好音懷

鷗臯

逢

怪物絕翹願追文正躅

祐

不辭慶曆黨層薨

度諸經

基

直道擴羣枉新知春蘭謁

鼎

舊遊曙星朗謙

虛側臯比

逢

欲寡賤熊掌張燈初筵秩

祐

舉爵朋酒饗

黃羞登俎柑

基

白薦作羹鯢斂齒先一飯

鼎

探錢罄餘

帑清宜禪堂分

逢

端許賢守賞螟螿殄無類

祐

來牟屬

有象陰褰天光發

基

陽復履道長高視吞八九

鼎

獨立

配參兩幸敦君子交再極尼丘仰

逢

陳基

至正十一年正月一日遂昌鄭元祐龍門僧良
琦臨海陳基聯句送匡廬道士于彥成歸越兼
簡蕭靖復盧益修

歲朝逢王春雨雪暗吳下行人當明發祐別袂慘莫把

飄飄賀監舟基蹀躞靈運馬山驛梅始繁琦溪船浪仍

打行紆莊鳥吟祐去結遠公社禹穴紬奧編基蘭亭集

羣雅神韻鶴整朗風標鷺經寫祐雙鳧繼遐躅千秋祝

純嘏基信憑回潮尾春融枯樟髀祐越臺瞰蓬瀛胥濤

駕龕赭基白戰隱鞍甲綠醕酣箴竿祐知囊倒精悍詞

鋒發侈哆琦蕭臺多神仙盧敖本靜者道樞混溟滓語

弃脫誤髀祐但令冠峩峩肯羨綬若若滄海等稊米黃

御選元詩陳基 楊維禎卷十 十一

金真土苴接離或露髮短褐不掩蹀捷若矢離弦勇如

金躍冶青雲步伊始白雪和殊寡基土膏動勾萌春情

滿原野琦桂樹歌詎已柳枝折難舍基別夢梁月隴清

談松風灑琦蓬藿既可居蘆服自堪鮓基望望玉山阿

來期卜燈炮祐

楊維禎

同郊九成過玉山舟中聯句

城角初升旭日暹舵樓東向起遐瞻鰲頭直下癡雲暗

楨維鷗尾徐開破浪恬野色微明金水曲韻清江隱見玉

山尖兩收幕燕簷牙起楨風颭檣烏帆腹添波影白翻

鷗箇箇韻燒痕青出麥纖纖弋來野鷺毛全蛻楨苟得

水魚口尚噉解籜上萌蓮莠苦詔潑醅新盞蜜脾甜避
船好鳥機先識維楨入座江花手自拈未必江山惟客有
詔也知吏隱許吾兼桃花不隔仙源路詩就寧辭晷刻
淹維楨

戴良

甲辰元日對雪聯句

三冬不作雪元日乃飛花殆似呈豐兆蔡還如獻歲華

曉梅同璀璨戴凍蝶鬪交加墨徑如拖練徐旋空若攪

車隨風疎復密蔡雜霰整還斜葩借雲為葉戴光疑月

在沙迷汀難辨鷺徐著柳易分鴉詠絮應輸韞蔡吟車

欲過又寒將椒酒敵戴瑩比塞酥嘉刻畫天呈巧徐鋪

御選元詩卷十楊維楨戴良顧瑛古

張地掩瑕早朝光映笏蔡暝獵勢漫置後臘寧非瑞戴

先春益自誇拂林微見蕊徐綴草淺窺芽煖促庭狻化

蔡陽催瓦雀呀土融偏潤麥戴水活最便茶不雨檐常

滴徐當陰砌或遮詩成燈屢剪蔡坐久鼓頻擱路滑妨

迴騎城嚴畏奏笳歲寒同在旅徐春至倍思家此日堪

乘興蔡歸舟向若邪戴

顧瑛

與繆叔正聯句

短檠二尺照清酣瑛圓餅裁肪韭味甘佩舊雨今為紅

葉雨瑛閒雲不障白雲菴佩范君遠餽吳犍肉瑛錢老

能分林屋柑佩今夕共謀真率醉瑛莫將時事說江南

湖光山色樓聯句

樓倚清秋爽氣高文起眼明百里見纖毫風行綠野翻清

浪于立雨到青林起暮濤幾樹好花開別岸顧一雙飛鳥

趁輕舸龍門今日婁江去文起會有新詩寄我曹于立

浣華館聯句

大廈千萬餘小第亦云甲馬山分玉崑維鯢津類清雪

湖吞魄礪深立江瀉吳淞狹地形九曲轉師峰影千丈

插斜川萬桃蒸華小徑五柳夾仙仗撞石檢仁靈洞開

玉匣雲停清蔭初瑛涼過小雨霎鶴舞竹籬綻維魚亂

萍喋噠風顛帽屢欹立暑薄衣猶袷花憑嬴女獻師酒

御選元詩

卷八十 顧瑛

五

倩吳姬壓簾卷蒼龍鬚華盤薦紫駝胛戎葵粲巧笑仁

文瓜印微掐白鬣魚乍剖瑛紅蓮米新畝急觴行蒲萄

維清池扇蒲篲火珠梅熒熒立冰絲蓴浹渌雲雷摩乳

鼻師珉琤玩腰珮伶班鼓解穢華軍令酒行法弓彎舞

百盤仁鯨量杯千呷腔悲牙板擊瑛調促冰絃壓客歡

語樽嚶維童酣鼻齶酒徹給泓穎立詩成繕書劄嘔

句投錦囊師披圖出緗笈驪駒歌已終華青蛾情尚狎

永矢交友盟仁銅盤不須歆瑛

書畫舫聯句

三月三日與楊鐵崖飲於書畫舫侍
姬素雲行椰子酒遂成聯句如左

龍門上客下驄馬瑛洛浦佳人上水簾瑪瑙瓶中椰蜜

酒維赤瑛盤內水晶鹽晴雲帶雨沾香炮瑛涼吹飛花

脫帽簷寶帶圍腰星萬點維黃柑傳指玉雙尖平分好

句才無劣瑛百罰深杯令不厭書出撥燈侵繭帖維詩

成奪錦鬪香奩臂鞦條脫初擎研瑛袍袖弓彎屢拂髯

期似梭星秋易隔維愁如錦水夜重添勸君更覆金蓮

掌瑛莫放春情似漆黏維

舟中與陳敬初聯句

行春橋下看山回瑛翠幕紅簾面面開基一夜水風吹

不斷立蜻蜓飛入畫船來瑛

貢性之

題紅梅翠鳥圖與唐愚士聯句

萼綠枝頭翠羽鮮貢春風早入豔陽天幾回夢覺頻聽

御選元詩顧瑛貢性之 李道坦

處唐正是書聲欲斷邊貢

李道坦

吳山清暉與伯雨仲舉聯句

吳山秋色裏坦倚石望滄江日脚霞侵戶濤頭雪濺窗

浪奔沙岸壘蕭山夾海門雙坦有客離新隱兩於茲感

舊邦坦憑高乘險絕懷古黜紛厖蕭龜殼冠將隄兩龍

文鼎可扛兩頗諧幽事熟坦未覺壯心降蕭滿月孤金

柱兩藂筠亂碧幢坦晴峰俄點點夕磬已縱縱蕭歸路

風塵表酣歌不用腔兩

張雨

燈花聯句并序

永嘉李季和金陵持趙涼公書來累宿茵閣下
十月三日夜天始霜殊寒兩燈並作花遂聯句於

酒間

星閣迎寒閱霜鐘動夜撻孝光酒深燔木火漏下續蘭釭

寸草熒芝小雨丹葩瑞帶雙金枝交婉孌孝光銀粟亂鬃

鬟蠟結飛蛾笑雨膏融吐鳳懣汞珠光透鏡孝光火齊幻

垂幢的的輝青瑣雨摇摇颭玉缸燭龍擎紫蓋孝光翹燕

綴紅躡鄰眼書窺隙雨仙睂墨暈窗狂吟心蕊發孝光喜

聽足音登折聖風吹座雨鈎簾月隋江青藜如見遇揮

手出紛厖孝光

劉因

御選元詩

卷十

賈性之 劉因

七

雜著集陶句

人生豈不勞終古謂之然孰是都不營早起暮歸眠過
足非所欽躬耕非所歎但使願無違甘以辭華軒正爾
不可得在已何怨天自古有黔婁被服常不完榮叟老
帶索飢寒况當年何以稱我情賴古多此賢

集杜句贈王運同彥材

霄漢瞻佳士公侯出異人家聲同令聞文雅見天倫元
朔巡天步危樓望北辰燕王買駿骨黃閣畫麒麟妙譽
期元宰蒼生倚大臣蛟龍得雲雨鵬鴉離風塵治國明
公在雄圖歷數屯世儒多汨沒賢俊贊經綸開闢乾坤
正調和鼎鼐新弼諧方一展風俗盡還淳經濟宜公等

泥涂任此身尊榮瞻地絕感激異天真交態遭輕薄浮生有屈伸嗟予意軼軻撫迹獨酸辛留滯才難盡蒼茫興有神形容真潦倒世業豈沈淪倚著如秦贅逢迎念席珍壯心久零落敗績自逡巡載感賈生慟難甘原憲貧邵平元入漢王粲不歸秦回首軀流落生涯脫要津稻粱求未足台衮更誰親碧海真難涉蒼鷹愁易馴君能微感激何處不依仁

陳孚

入安南以官事未了絕不作詩清明日感事因集句成十絕奉呈貢父尚書并示世子及諸大夫

御選元詩

卷十

劉因

陳孚

六

十里宜春下苑花二年寒食住京華自憐慣識金蓮燭奉使虛隨八月槎

迴首扶桑銅柱標芙蓉帳暖度春宵清明寒食誰家哭折戟沈沙鐵未消

關山迢遞古交州物換星移幾度秋微雨微風寒食節夷歌銅鼓不勝愁

殘花悵望近人開不盡長江滾滾來寒食清明都過了鷓鴣飛上越王臺

台州地闊海冥冥人踏金鼇背上行獨在異鄉為異客無花無酒過清明

慈母年高鶴髮垂鄉書無鴈到家遲初過寒食一百六

一日思親十二時

昔藉梨花作寒食孟光舉案與眉齊越裳翡翠無消息
夜合花開日又西

寒食家家出古城滿川風雨看潮生八千里外飄零客
起向朱櫻樹下行

一百五日寒食雨風光別我苦吟身尚書氣與秋天杳
同是天涯淪落人

海客乘槎上紫氛清明時節雨紛紛虎牙銅柱皆傾側
水盡天南不見雲

于石

次韻子益秋懷集句

御選元詩

卷十

陳字

于石

黃潛

九

春草秋更綠能得幾時好人生非金石坐愁紅顏老振
衣千仞岡木落鴈飛早無營地轉幽逐動自紛擾時哉
不我與全身以爲寶不是傲當時用拙存吾道

春遊集句

興來無遠近吾得及春遊江月隨人影山光落釣舟樹
交花兩色石橫水分流天外猿啼處數峰生暮愁

黃潛

集淵明句題李中甫員外稼亭

東方有一士客養千金軀束帶聽鳴雞出則陪文輿代
耕本非望暫與田園疎田園日夢想投冠旋舊墟興言
在茲春新疇復應畬田父有好懷過門更相呼披草共

來往履歷周故居悠悠待秋稼時還讀我書雖未量歲
功棲遲固多娛此事真復樂此語真不虛餞送傾皇朝
歸子念前途前途當幾許直至東海隅古時功名士事
事在中都遙遙沮溺心君情定何如

集淵明句題胡主簿嘉樹軒

孟夏草木長霜露憔悴之藹藹堂前林冬夏常如茲嚴
霜九月中卓然見高枝如何舍此去白日掩荆扉深谷
久應蕪此蔭獨不衰黽勉六七年懷此貞秀姿常恐負
此懷未足爲高棲及時當勉勵慷慨思南歸親戚共一
處日夕歡相持披榛步荒墟登高賦新詩坐止高蔭下
一觴聊可揮從今至歲寒縱心復何疑

御選元詩

卷十

黃潛

吳師道

陳泰

十

吳師道

集句贈荅潘季通

江上春風送客舟鳥啼花落水空流勸君更盡一杯酒
與爾同消萬古愁

陳泰

天嶽圖歌

并序

雲間康鍊師來自岳陽稱其友蔡素瞻好道之篤
乃作天嶽圖以寄徵余題卷末岳陽予舊遊也爰
集杜陵句以贈之

知君重毫素好手不可遇壯哉崑崙方壺圖對此興與
精靈聚雲來氣接巫峽長影動倒景搖瀟湘湘妃漢女

出歌舞矯如羣帝參龍翔大江東流去忽在天一方初
月出不高照我征衣裳憶昔北尋小有洞青楓葉赤天
雨霜先生有道出羲皇晚有弟子傳芬芳神仙中人不
易得今我不樂思岳陽蔡侯靜者意有餘戚聯豪貴耽
文儒致身福地何蕭爽幾歲寄我空中書

韓性

集杜句題五馬圖

使君五馬一馬驄聲價歛然來向東飛電流雲絕瀟灑
迴立閭闔生長風肉髮磊塊連錢動大宛立仗青絲鞵
不須對此成歎嗟古來才大難爲用

郭豫亨

御選元詩

卷十

陳泰

韓性

郭豫亨

三

梅花集句

水沈爲骨玉爲肌好處曾臨阿母池雪後園林應有恨
籬邊屋角立多時早開却被嫣紅妬未落先愁玉笛吹
要識此花奇絕處滿窗惟有月明知

刻玉雕瓊作小葩溼雲黯淡雪橫斜半開半落綠誰事
和影和香屬我家數抹晚霞憐短笛一泓流水度寒沙
吟邊苦思無佳句立盡斜陽數過鴉

黯淡江天雪欲飛屋檐斜入一枝低禽翻竹葉霜初下
春在花梢日未西晚歲風霜從冷淡小園煙景正淒迷
平生慣是思梅苦多謝詩翁爲品題

天寒落日澹孤村占斷風情向小園翠羽啼花追昔夢

縞衣和雨立黃昏
蘚厓直上雙飛屣
茅店驚寒半掩門
憶得去年風雪裏
江南石上對窪尊

踏破溪邊一徑苔
與尋陳迹久徘徊
雲漫隴樹魂應斷
風靜寒塘花正開
只恐好枝爲雪壓
留看瘦影上窗來
花前獨立無人會
謾使詩腸日九迴

雪後相看意更深
謾將一朵插銅瓶
人生此樂須天賦
歲晚知心唯月明
白鶴未歸春已老
危闌倚徧酒初醒
逋仙只說香和影
不是詩家莫浪評

勾引春情出苑牆
無人知處忽然香
愁連粉豔飄歌席
亦要天花作道場
風約暗香臨淺水
月明疎影媚寒塘
浣花溪上堪惆悵
可是無心賦海棠

御選元詩

卷十

郭豫亨

三

貌槁神澤骨槎牙
蕭索東風兩鬢華
甘與雪霜同冷淡
醉看參月半橫斜
溪山冷落泥三尺
水竹參差屋數家
自笑自吟還自得
案頭搖落小瓶花

榾柮爐寒硯欲冰
舍南舍北雪猶存
旋催妝額添宮樣
靜愛寒香撲酒尊
兩岸嚴風吹玉樹
一灣流水護柴門
閑中有意堪圖畫
溪上無人月一痕

半屋蒼雲冷不知
茅檐竹隴兩幽奇
凝情金谷登樓日
依約華清出浴時
隴月定知今夕恨
春風搖動故人思
綠楊解語應相笑
雪裏開花恐是遲

滿地飄零更斷腸
恐隨春夢去飛揚
柳搖臺榭東風軟
花撲玉缸春酒香
驛使不來羌管歇
燕釵初試漢宮妝

巡檐說盡心期事幾度憑闌到夕陽
湖山搖落歲方悲自恐冰容不入時但笑紅芳誇豔冶
渾將絳雪點寒枝橋邊野水通漁路城外春風吹酒旗
正似美人初醉著澹妝濃抹總相宜

金岷

植芳堂詩集陶一首

謂人最靈智衛生每苦拙所懼非飢寒將養不得節達
人解其會在世無所須義農去我久空歎將焉如念之
動中懷積善云有報藥石有時間詩書敦夙好藹藹堂
前林灼灼葉中花枝條始欲茂春風扇微和弱湍馳文
魴靈鳳撫雲舞坐止高蔭下神淵瀉時雨爾從山中來
御選元詩

卷八

郭豫亨

金岷

馬臻

三

馬臻

集句和陳渭叟見寄詩韻

寒食離家麥熟還不應空老道塗間會須伐竹開荒徑
剩著溪南幾尺山

集句遣懷

嬾慢無堪不出村當年心事與誰論如今老去愁無限
兩打梨花深閉門

張雨

集太白語酬僧淨月

主人碧巖裏為余話幽栖真訣自從茅氏得風流還與
達公齊滿堂空翠如何埽而君解來一何好白玉塵尾
談重元琉璃硯水常枯槁蒼蒼雲松拂彼白石世人聞
此皆掉頭就中與君心莫逆袖拂紫煙去空中聞天雞
借問蘇耽鶴早晚向江西

集王摩詰書語六言二首

寒犬吠聲如豹夜春相應疎鐘華子岡頭清月照人獨
坐山中

夜深僮僕靜默月明輞水淪漣獨與山僧飯訖寒林遠
火初然

賈雲華

御選元詩

卷八十

張雨

賈雲華

三

別詩集唐

兩行清淚語前流千里佳期一夕休倚柱尋思倍懊恨
寂寥燈下不勝愁

相見難時別亦難寒潮惟待夕陽還鈿蟬金鴈皆零落
離別煙波傷玉顏

倚闌無語倍傷情鄉思撩人撥不平寂寞閑庭春又晚
杏花零落過清明

自從消瘦減容光雲雨巫山枉斷腸獨宿孤房淚如雨
秋宵只為一人長

紗窗日落漸黃昏春夢無心只似雲萬里關山音信斷
將身何處更逢君

真成薄命久尋思宛轉蛾眉能幾時漢水楚雲千萬里
留君不住益淒其

鄭氏允端

杜少陵春遊曲集句

何處尋芳策蹇驢典衣買酒出城西元都觀裏桃千樹
黃四娘家花滿溪

春詞集句

春色沈沈鎖建章困人天氣日初長閑來獨立雕簷下
笑殺雙飛燕子忙

秋詞集句

月轉觚稜夜未央倚牀自炷水沈香芙蓉帳小雲屏暗

御選元詩

卷八

賈雲華
無名氏

鄭氏允端

何理問

五

二十五聲秋點長

何理問

題宜春臺集古

山外青山樓外樓楚雲迢遞暮天秋千年綵鳳鳴高阜
一道長虹鎖碧流舉目但知天地闊憑闌不管古今愁
二仙縹緲成塵迹我亦飄然思遠遊

無名氏

集古

翡翠屏風燭影深春宵一刻直千金共君今夜不須睡
明日池塘是綠陰

御選元詩卷第八十

